

ЎЗБЕКИСТОН РЕСПУБЛИКАСИ
ПРЕЗИДЕНТИНИНГ
ҚАРОРИ



ПОСТАНОВЛЕНИЕ
ПРЕЗИДЕНТА
РЕСПУБЛИКИ УЗБЕКИСТАН

2018 йил „ 4 “ январь

№ ПК-3459

“ ” 20 г.

**Қишлоқ хўжалигининг техник жиҳозланиш даражасини янада ошириш
борасидаги қўшимча чора-тадбирлар тўғрисида**

Республика қишлоқ хўжалигининг асосий техника турлари билан, биринчи галда, ер ҳайдаш, экин экиш ва ҳосилни йифиб-териб олиш каби қишлоқ хўжалиги ишлаб чиқариши самарадорлигини белгилаб берувчи асосий агротехника ишлари бўйича таъминланиш даражасининг ҳозирги ҳолатини, шунингдек, қишлоқ хўжалиги техникаси етказиб беришни молиялаштиришни ташкиллаштириш масалаларини танқидий таҳлил қилиш бир қатор ҳал этилмаган муаммо ва камчиликлар мавжудлигини кўрсатди:

биринчидан, қишлоқ хўжалиги ишлаб чиқаришида фойдаланиладиган қишлоқ хўжалиги техникасининг умумий паркида жами 146,3 мингта техникадан 56,2 мингтаси 15 йилдан кўпроқ вақтдан буён ишлатиб келинмоқда ва босқичма-босқич янгиланишни тақозо этмоқда;

иккинчидан, машина-трактор паркларининг молиявий-иктисодий ҳолати амалдаги ставкалар бўйича тижорат кредитларини жалб этган ҳолда янги қишлоқ хўжалиги техникасини сотиб олиш имконини бермайди;

учинчидан, машина-трактор парклари томонидан кўрсатилаётган механизациялаштирилган хизматлар ҳакини тўлаш тарифлари даражаси пахта ва галла харид нархларининг умумий ҳажмида ҳосилдорлиги паст хўжаликларнинг чиқимларини қопламайди;

тўртинчидан, қишлоқ хўжалигига жалб этилган корхоналар ва ташкилотларни давлат томонидан қўллаб-куватлаш ҳамда қишлоқ хўжалиги техникаси паркини янгилаш жараёнларини рағбатлантиришнинг амалдаги механизмлари бугунги кун талабларига мос келмайди;

бешинчидан, маҳаллий давлат ҳокимияти органлари минтақанинг қишлоқ хўжалиги техникаси билан таъминланиши, шунингдек, қишлоқ

хўжалигида механизациялаштирилган ва сервис хизматлари кўрсатувчи ташкилотларнинг ҳолати учун етарли даражада жавобгар бўлмасдилар.

Ўзбекистон Республикаси Президентининг “2018 йилда қишлоқ хўжалиги экинларини оқилона жойлаштириш чора-тадбирлари ва қишлоқ хўжалиги маҳсулотлари етиштиришнинг прогноз ҳажмлари тўғрисида” 2017 йил 15 сентябрдаги ПҚ-3281-сонли карорига мувофик ҳамда баҳорги агротехника ишларини ўз вактида ва сифатли ўтказиш, қишлоқ хўжалиги товар ишлаб чиқарувчиларига кўрсатилаётган механизациялаштирилган хизматлар даражаси ва сифатини ошириш мақсадида:

1. Маълумот учун қабул қилинсинки, Ўзбекистон Республикаси Қишлоқ ва сув хўжалиги вазирлиги томонидан “Ўзагротехсаноатхолдинг” АЖ билан биргаликда 2018 йилда баҳорги агротехника ишларини ўтказиш учун замонавий ҳайдов ва чопик тракторлари, ғалла ўриб-йифиши комбайнлари, плуглар, сеялкалар ва бошқа қишлоқ хўжалиги техникасини жами 5 778 та, шу жумладан, 758 та ҳайдов трактори, 1 500 та чопик трактори, 330 та боғдорчиликка мўлжалланган трактор, 2 790 та осма ва тиркама қишлоқ хўжалиги техникаси, шунингдек, бошокли дон экинлари ҳосилини ўриб-йифиб олиш бошланишигача – 400 та ғалла ўриб-йифиб олиш комбайнлари етказиб беришга бўлган биринчи навбатдаги талаб-эҳтиёж белгиланди.

2. Қишлоқ ва сув хўжалиги вазирлиги ҳамда “Ўзагротехсаноатхолдинг” АЖ томонидан ишлаб чиқилган қуидаги мақсадли параметрлар:

биринчи навбатда қишлоқ хўжалиги техникасини худудлар бўйича 2018 йилнинг I ярмида етказиб бериш 1-иловага* мувофик;

қишлоқ хўжалиги техникасини 2018 йилнинг 15 апрелига қадар (йирик блокли йифиши) етказиб бериш 2-иловага мувофик;

мамлакатимиз ташкилотлари томонидан қишлоқ хўжалиги техникасини саноат кўламида ишлаб чиқариш 3-иловага мувофик тасдиқлансин.

Белгилансинки, юкорида кўрсатилган қишлоқ хўжалиги техникасини етказиб бериш “Агробанк” АТБ кредитлари, фермер хўжаликлари ва машина-трактор паркларининг ўз маблағлари, шунингдек, “Ўзагротехсаноатхолдинг” АЖ ва “Ўзагросервис” АЖ томонидан машина-трактор паркларига тақдим этиладиган қарз маблағлари ҳисобидан амалга оширилади.

5. “Агробанк” АТБга фермер хўжаликлари ва “Ўзагросервис” АЖ таркибига кирувчи машина-трактор паркларига “Ўзагротехсаноатхолдинг”

АЖ ҳамда унинг таркибига кирувчи ташкилотлар томонидан таъминланиши (ишонч хати, мол-мулкни гаровга қўйиш) хисобига йиллик 5 фоизли ставка бўйича 10 йил муддатга кредитлар бериш тавсия қилинсин.

7. “Агробанк” АТБ ва “Ўзагросервис” АЖ олинган маблағлар хисобига 2018 йилнинг 20 январидан кечиктирмай “Ўзагротехмаш” АЖ ташкилотларига мазкур қарор билан ишлаб чиқариш ва етказиб бериш белгиланган қишлоқ хўжалиги техникаси қийматининг камида 70 фоизи миқдорида, қишлоқ хўжалиги техникаси ишлаб чиқаришни тезкор ташкиллаштириш, шу жумладан, зарур қисмалар ва материалларни импорт бўйича сотиб олиш учун аванс (бўнак) бера бошласин.

8. “Ўзагротехсаноатхолдинг” АЖ, Ўзбекистон Республикаси Молия вазирлиги, Давлат солик қўмитасининг “Ўзагротехсаноатхолдинг” АЖ таркибига кирувчи машина-трактор паркларининг бюджетга ва мақсадли давлат жамғармаларига мажбурий тўловлар бўйича 2018 йилнинг 1 январигача бўлган ҳолати бўйича қарзларни тўлаш муддатини 2 йилга кечиктириш тўғрисидаги таклифига розилик берилсин.

9. Ўзбекистон Республикаси Молия вазирлиги, Қишлоқ ва сув хўжалиги вазирлиги, Вазирлар Маҳкамаси хузуридаги қишлоқ хўжалиги маҳсулотларининг давлат харидини мақсадли молиялаштириш ва қишлоқ хўжалигини техника билан жихозлаш жамғармаси, “Ўзагротехсаноатхолдинг” АЖ:

“Агробанк” АТБ ва бошқа манфаатдор ташкилотлар билан биргаликда бир ой муддатда машина-трактор паркларига улар томонидан кўрсатилаётган механизациялаштирилган хизматлар учун келиб тушаётган пул маблағларини қишлоқ хўжалиги техникасини сотиб олишга ажратилган кредитлар ва қарзлар учун хисоб-китоб килишга мақсадли йўналтириш тўғрисидаги низомни ишлаб чиқсин ва белгиланган тартибда тасдиқласин;

ғалла, пахта ва шолининг харид нархларини шакллантиришда механизациялаштирилган хизматлар ҳақини тўлаш тарифлари миқдорини қайта кўриб чиқсин.

10. “Ўзагротехсаноатхолдинг” АЖ:

а) “Ўзагротехмаш” АЖ билан биргаликда:

ушбу қарорга мувофиқ қишлоқ хўжалиги техникаси ўз вақтида ишлаб чиқарилиши ва етказиб берилишини;

мазкур карорга мувофиқ қишлоқ хўжалигига етказиб бериладиган қишлоқ хўжалиги техникаси ишлаб чиқаришни маҳаллийлаштириш бўйича чора-тадбирлар комплекси бир ой муддатда ишлаб чиқилиши ва тасдиқланишини таъминласин;

б) Қорақалпогистон Республикаси Вазирлар Кенгаши, вилоятлар ҳокимларини “Ўзагросервис” АЖ билан биргаликда – қишлоқ хўжалиги техникасини сотиб олиш учун тақдим этилган кредитлар ва қарзлар ўз вақтида қайтарилишини;

в) “Ўзагросервис” АЖ билан биргаликда – сотиб олинган қишлоқ хўжалиги техникаси учун ўз вақтида хисоб-китоб килинишини, шунингдек, кредитлар ва қарзлар худудий ташкилотларнинг банк хисобвараклари орқали қайтарилишини таъминласин.

11. Ўзбекистон Республикаси Қишлоқ ва сув хўжалиги вазирлиги, Молия вазирлиги, Ўзбекистон Фермер, деҳкон хўжаликлари ва томорқа ер эгалари кенгаши, “Ўзагротехсаноатхолдинг” АЖ, “Агробанк” АТБ бошқа манбаатдор ташкилотлар билан биргаликда икки ой муддатда халқаро амалиётни таҳлил қилиш асосида қишлоқ хўжалиги техникаси паркини янгилаш орқали қишлоқ хўжалигини модернизациялашни рағбатлантириш бўйича Вазирлар Маҳкамасига таклифлар киритсин, унда куйидагилар назарда тутилади:

мамлакатимизда ишлаб чиқариладиган янги қишлоқ хўжалиги техникасини сотиб олаётган қишлоқ хўжалиги товар ишлаб чиқарувчиларини ва машина-трактор паркларини, шунингдек, пахтачиликка ихтисослаштирилган тўқимачилик кластерларини молиявий қўллаб-куватлаш;

қишлоқ хўжалигида механизациялаштирилган ва сервис хизматлари кўрсатиш соҳасида хусусий секторни ривожлантиришга кўмаклашувчи молиявий ўзаро муносабатларнинг янги замонавий тизимини яратиш.

12. Минтақаларни ривожлантириш учун қўшимча шарт-шароитлар яратиш масалаларини ҳал этишда маҳаллий ижроия ҳокимият органларининг ваколатлари кенгайтирилганлигини инобатга олиб, Ўзбекистон Республикаси Қишлоқ ва сув хўжалиги вазирлиги, Самарқанд ва Сирдарё вилоятлари ҳокимларининг мазкур вилоятларнинг ҳокимларини ҳузурида, эксперимент тариқасида, худудий “Агросервис МТП” негизида туман филиаллари билан бирга давлат унитар корхонаси шаклидаги машина-трактор паркларини ташкил этиш тўғрисидаги таклифига розилик берилсин.

Ўзбекистон Республикаси Қишлоқ ва сув хўжалиги вазирлиги, “Ўзагротехсаноатхолдинг” АЖ Қорақалпоғистон Республикаси Вазирлар Кенгashi ва вилоятлар ҳокимликлари билан биргаликда 2019 йилнинг 1 январига қадар Самарқанд ва Сирдарё вилоятларида ўтказилган эксперимент натижалари бўйича ҳокимликлар хузурида давлат унитар корхонаси шаклидаги машина-трактор паркларини ташкил этиш мақсадга мувофиқлиги ва самарадорлиги тўғрисида Ўзбекистон Республикаси Вазирлар Маҳкамасига таклифлар киритсин.

13. Ўзбекистон Республикаси Хусусийлаштирилган корхоналарга кўмаклашиш ва рақобатни ривожлантириш давлат қўмитаси хузуридаги Қимматли коғозлар бозорини мувофиқлаштириш ва ривожлантириш маркази қўшимча чиқарилган акцияларни давлат рўйхатидан ўтказсин ҳамда “Ўзагротехсаноатхолдинг” АЖ, “Ўзагросервис” АЖ ва “Агробанк” АТБнинг илгари чиқарилган эмиссиясига ўзгартиришлар киритсин.

14. Мазкур қарорнинг ижросини назорат килиш Ўзбекистон Республикаси Бош вазирининг ўринбосари – “Ўзагротехсаноатхолдинг” АЖ бошқаруви раиси Н.С.Отажонов, Ўзбекистон Республикаси Бош вазирининг ўринбосари – қишлоқ ва сув хўжалиги вазири З.Т.Мирзаев ва Ўзбекистон Республикаси Бош вазирининг ўринбосари – молия вазири Ж.А.Кўчкоров зиммасига юклансин

Ўзбекистон Республикаси
Президенти



Ш.Мирзиёев

Тошкент шахри

*Иловалар рус тилидаги матнда берилган.